



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

Broj: 01/1-662/25-2 ✓
Sarajevo, 13.03.2025.

DEKAN,
Prodekani,
Šefovi Katedri

ZAPISNIK

**SA I. SJEDNICE KOLEGIJA UNIVERZITETA U SARAJEVU- ŠUMARSKOG
FAKULTETA ODRŽANE 13.03.2025. GODINE SA POČETKOM U 14:30 SATI**

Prisutni članovi:

prof. dr. Besim Balić, dekan Univerziteta u Sarajevu-Šumarskog fakulteta
prof. dr. Dženan Bećirović, prodekan za NIR i finansije
prof. dr. Velid Halilović, prodekan za nastavu
prof. dr. Emira Hukić, šef Katedre za ekologiju šuma i urbanog zelenila
prof. dr. Aida Ibrahimspahić, šef Katedre za uređivanje šuma i urbanog zelenila
prof. dr. Sabina Delić, šef Katedre za ekonomiku, politiku i organizaciju šumarstva i urbanog zelenila
prof.dr. Dževada Sokolović, šef Katedre za iskorištavanje šuma, projektovanje i građenje u šumarstvu i hortikulturi
prof. dr. Sead Ivojević, šef Katedre za uzgajanje šuma i urbanog zelenila
prof. dr. Tarik Treštić, zamjenik šefa Katedre za zaštitu šuma i urbanog zelenila i lovno gospodarenje

Ostali:

Sekretar Fakulteta Delila Salihović, mr. iur.
Referent za pravne i administrativne poslove Edita Ustić

Sjednica je počela u 14:30 h.

Konstatovano je da na današnjoj sjednici prisustvuje 9 članova Kolegija fakulteta te da se mogu donositi punovažne odluke po dnevnom redu. Sjednicom je predsjedavao prof. dr. Besim Balić, dekan Univerziteta u Sarajevu - Šumarskog fakulteta, na osnovu čije je saglasnosti, članovima Kolegija fakulteta dostavljen poziv za održavanje I. sjednice Kolegija fakulteta zakazane za 13.03.2025. godine.

Za I. sjednicu Kolegija fakulteta je predložen sljedeći:

DNEVNI RED

1. Razmatranje inicijative i preduslova za pokretanje vanrednog studija II ciklusa – Smjer Održivo upravljanje šumskim ekosistemima
2. Učešće predstavnika Fakulteta na obilježavanju Dana šuma 2025. godine (ANUBiH, Kupres 2025)
3. Inicijativa za uspostavljanje forme Izvještaja o rezultatima rada i aktivnosti redovnih profesora na UNSA ŠF (Statut UNSA, član 229.)
4. Optimizacija upotrebe prostornih kapaciteta na Fakultetu
5. Razno

TOK SJEDNICE:

Ad-1.

Prof. dr. Besim Balić, dekan Univerziteta u Sarajevu-Šumarskog fakulteta je informisao prisutne o potrebi i inicijativi za pokretanje vanrednog studija za aktuelne studijske programe na Fakultetu, kao i upitima koji dolaze iz privrede u vezi sa ovom vrstom studiranja. Prilikom sastanka sa upravom javnih preduzeća šumarstva u Tuzlanskom kantonu i Kantonu 10, također se javilo interesovanje studenata za upis na II ciklus studija koji imaju želju i potencijal za ovaj vid studiranja. Riječ je o 35 studenata koji bi imali finansijsku podršku, a mogućnost za ovom vrstom studija imaju samo na fakultetima u Banja Luci i Zagrebu. Pored toga, informisao je prisutne da je Katedra za uzgajanje šuma i urbanog zelenila je poslala zahtjev o pokretanju vanrednog studija za I i II ciklus, dana 18.02.2025. godine. Na kraju je zamolio da se ova inicijativa razmotri na katedrama te obrazložio da je ovo prilika da se poveća broj studenata i izađe u susret našim kolegama iz privrede da dođu do tražene kvalifikacije koja im je neophodna za obavljanje poslova u šumarstvu.

Prodekan za nastavu, prof. dr. Velid Halilović, informisao je prisutne da kolege s Univerziteta u Sarajevu - Poljoprivrednog fakulteta imaju ovu vrstu studija već duži period, te da su prilagodili način realizacije nastave kroz poseban izvedbeni plan. Naglasio je da bi vanredni student po pravilu trebao da savlada isti studijski program kao i redovni studenti, s tim da 1/3 fonda sati se mora provesti u učionici, a 2/3 na neki drugi način izvođenja nastave (online, na daljinu ili kroz konsultativnu nastavu). Profesori bi u silabusima svojih predmeta morali prilagoditi proces izvođenja nastave ovom tipu studiranja i napraviti izvedbeni plan koji bi uključivao i obavezno prisustvo terenskoj nastavi. Da bi se uspješno uveo vanredni tip studija neophodno je završiti inoviranje nastavnih planova i programa i u njima predvidjeti ovu mogućnost, odnosno da pored redovnog studiranja studenti imaju mogućnost i upisa na vanredni studij u okviru studijskih programa, potom se pravi izvedbeni program i dostavlja Senatu na usvajanje.

Pri planiranju uvođenja vanrednog studija treba se zadržati na manjem broju studenata koji se mogu upisati, jer je fokus da se zadrži redovni studij na svim studijskim programima. S vremenom bi se taj broj mogao povećavati ukoliko se za to ukaže potreba i ukoliko bude zahtjeva iz privrede. Zaključeno je da je prvi korak iskazivanje stavova Katedri o inicijativi za uvođenje vanrednog načina studiranja za I i II ciklus. Pored toga, važno je da se članovi Katedri izjasne da li su spremni za angažman u procesu realizacije ovog načina studiranja. Kada se prikupe stavovi katedri onda će se inicijativa razmatrati na Vijeću Fakulteta.

Rok za dostavljanje stavova Katedri je 27.03.2025. godine.

Ad-2.

Prof. dr. Besim Balić, dekan Univerziteta u Sarajevu-Šumarskog fakulteta zamolio je prisutne da šefovi Katedri prisustvuju jubilarnoj 10 konferenciji o šumarstvu i preradi drveta "Kupres" na dane 21.03.2025. i 22.03.2025. godine. Ukoliko bi profesori željeli učestvovati na programu potrebno je da putem e-maila potvrde svoje učešće ili da imenuju predstavnike Katedri koji će uzeti učešće do petka 14.03.2025. godine.

Ad-3.

Prof. dr. Dženan Bećirović, prodekan za NIR i finansije, je obavjestio članove Kolegija da, shodno članu 229. Statuta UNSA, Fakultet (Članica UNSA) je dužna vršiti evaluaciju rezultat rada redovnog profesora u nastavi i u naučnoistraživačkom radu u ciklusima od 7 godina. Shodno stavu 5 člana 229 Statuta UNSA: „Izvještaj o rezultatima i aktivnostima, redovni profesor i naučni savjetnik dostavljaju vijeću članice u ciklusima od sedam godina i javno je dostupan na internet stranici članice“. Zaključeno je da Fakultet mora uspostaviti proces evaluacije rezultata rada profesora u trajnim zvanjima i dogovoreno je da se uz Zapisnik sa kolegija dostavi Forma izvještaja koja će biti razmatrana na Katedrama i konačno usvojena na Vijeću Fakulteta. Istaknuto je da svi redovni

profesori koji su izabrani u trajno zvanje u periodu do 2018. godine, trebaju tokom ove akademske godine (najkasnije do kraja oktobra 2025. godine) dostaviti Izvještaj o rezultatima i aktivnostima za prethodni period u kojima će istaknuti svoja ključna dostignuća u nastavi i naučnoistraživačkom radu.

Ad-4.

Prof. dr. Besim Balić, dekan Univerziteta u Sarajevu-Šumarskog fakulteta informisao je prisutne da će se u narednom periodu raditi na optimizaciji prostornih kapaciteta sa ciljem da se novoizabranim asistentima osigura kancelarjski prostor. Zaključeno je da se sa pojedinim šefovima Katedri obave razgovori i dogovore modaliteti realizacije procesa optimizacije upotrebe prostornih kapaciteta.

Ad-5.

Prisutni su informisani da je održan sastanak Redakcionog odbora časopisa „Naši Radovi“ i da je dogovoreno da se ide sa objavljivanjem radova o istorijatu razvoja katedri na Šumarskom fakultetu povodom obilježavanja 75 godina postojanja. Šefovi su informisani da je potrebno dostaviti radove kolegi doc. dr. Bruni Mariću do 31.03.2025. godine i da će se nakon toga pokrenuti procedura njihovog publiciranja.

Prof. dr. Emira Hukić obavjestila je prisutne da će studenti Šumarskog fakulteta povodom obilježavanja Dana šuma 21.03.2025. godine učestvovati u akciji pošumljavanja na Igmanu. Ovoj akciji pridružiti će se učenici srednjih škola KS i Sarajevo šume. Pored toga, prof. Hukić je informisala prisutne da je Centar HUBSA potpisao ugovor s Univerzitetom u Sarajevu i da će se u narednom periodu provoditi aktivnosti na promociji fakulteta u BiH i da je planiran dolazak zbog snimanja videomaterijala.

Redovna sjednica je završena 13.03.2025. godine u 15:30 h.

Zapisničar: Referent za pravne i administrativne poslove
Edita Ustić

Dekan

Prof. dr. Besim Balić

